

樣本庫

清代名醫醫案大全

陸淵雷校閱

(三)



正文書局印行

1153125

清代名醫醫案大全

第三冊

次目

曹	陳	馬	王
滄	蓮	培	九
洲	舫	之	峯
醫	醫	醫	醫
案	案	案	案

王九峯先生

先生實應人。幼穎悟。一目十行。父老皆目爲瑚璉之器。既入泮。復一傾其心思才力。而致知於醫。刀圭所加。沉疴立起。江南北莫不知有王先生者。先生嘗至孟河。愈奇疾。驚其士大夫。至今孟河言醫學者。猶稱道弗衰焉。

錄目案醫峰九王

精聚	三消	反胃	關格	腫脹	喘促	痰飲	黃疸	溼熱	癘疾	血證	咳嗽	霍亂	時邪
.....
七	三	三	元	四	三	六	七	六	四	三	六	五	一

虛損	七竅	腳氣	痿躄	便血	痢疾	泄瀉	淋濁	癰閉	遺精	陽痿	疝氣	蛇病	諸痛
.....
七	九	六	七	四	三	五	五	五	三	五	五	四	四

胎產	宜男	崩漏	帶下	調經	汗症	不寐	驚悸	怔忡	狂癲	肝鬱	肝風	眩暈	中風
.....
七	九	五	五	六	七	八	八	六	七	六	六	六	五

王九峯醫案

武進徐衡之編纂
嘉定姚若琴

時邪

風溫不可發汗。而亦宜微汗。否則邪從何出。大抵風溫之邪從上。有風溫從陽。溫化熱。上焦近肺。肺先受邪。肺爲嬌臟。兩陽薰灼。津液受劫。古方有萎蕤湯。以玉竹之甘潤滋柔之品。以保胃液。俗醫輒投羌活柴葛。以發汗劫津。失其旨矣。當與辛涼輕劑。清解爲先。議梔豉合涼膈方法。

黑梔 豆豉 薑皮 薄荷 連翹 黃芩 象貝母 杏仁 橘紅 桑葉 梨

春溫十一朝。頭痛骨疼。胸中脹悶。惡寒發熱。入夜譫語。表裏合症。謹防內陷。

柴胡 葛根 豆豉 獨活 秦艽 當歸 赤芍 陳皮 枳殼 車前

秋邪壯熱。大汗渴飲。背微惡寒。桂枝白虎湯。

桂枝 知母 石膏 生草 竹葉

肝腎陰虧。中虛溼痰不化。左肋痞硬年餘。前日觸不正之邪。寒熱疊作。旋即自汗肢冷。前師投以參附。汗止陽回。詎知邪乘虛陷於陽明。與濁痰交併胃中。內熱神識明寐不清。洩赤便閉胸痞。舌苔灰黑。四肢指節蠕動。陰傷熱熾。風木鳴張。慮其轉入心胞。有神昏瘈厥之變。議用苦降辛開。兼育陰以回護心胞。速退乃佳。當延高明酌裁。

黃連 乾薑 半夏 黃芩 鬱金 北沙參 麥冬 薤仁 青皮 枳實 竹茹

復診。昨用苦降合清營之法。內熱稍緩。苔亦較化。脈亦較和。惟脘痞痞格拒。腑氣不通。日晡熱甚。陽明之滯未下。火邪劫燥陽津。慮陰液消亡。發爲陷症。議甘寒泄熱。佐和中潤下治之。

北沙參 麥冬 鬱金 青皮 薤皮 半夏 丹皮 川貝 茯苓 鮮石斛 海螵 白芍

三診。神識漸清。胸痞漸解。舌苔雖化。惟中後覺燥。心煩時動。慮風火相

燔瘼厥再至。則爲患非淺。似以甘寒潤導。兼泄汗熱。

生地 薑皮 青皮 川貝 柏子仁 茯苓 麻仁 天麥冬 鮮斛 海螵 葶藶

四診。恙勢較退。滯氣已出胃腑。是屬佳兆。惟脈來細數。臟陰營液俱虧。若得腑氣宣通。陰氣來復。方保無虞。

生地 薑皮 青皮 川貝 柏子仁 茯苓 麻仁 天麥冬 川斛 鮮梨 阿膠

吳時邪初診。神迷不能語。牙關緊閉。發熱面紅。口甜痰沫粘膩。小溲自遺。四肢不舉。脈浮洪。舌苔滑膩。據述在軍前甫回。旋即寒熱。復食生冷。竊思病情。始因驚恐。復感秋邪。痰熱蒙閉。先用至寶丹石菖蒲竹油汁湯下一時許。神即清爽。再用煎方。

葛根 川貝 連翹 瓜蒌 丹參 枳殼 半夏 玉竹 竹瀝 菖蒲

病後復勞感邪。虛邪襲入。始發寒熱。今則寒去而熱蒸蒸。蘊於脾肺兩經。舌苔白厚有汗。而熱不清。溺赤似痛。脈數而濡。腰理空疏。是以多汗。陰虛

夾痰蘊戀於絡。議景岳服蠶煎。加竹葉石膏湯主之。

生地 橘白 木通 半夏 知母 丹皮 麥冬 澤瀉 茯苓 石膏 蔗皮 萹蓄 竹葉

斑出而神昏譫妄如故。溫邪內陷。猶未解也。反以爲斑已發出。可以無慮。此語不謬。勉擬葉氏之法。輕清涼血。以透斑。芳香逐穢。以開竅。必得汗出神清。庶可勿藥有喜。

犀角 元參 連翹 鮮石膏蒲 牛黃清心丸 銀花 金汁

邪入血分。則不渴飲。舌苔變黑。神昏譫語。犀角地黃湯加味主之。

犀角 地黃 天竹黃 連翹 元參 甘草 赤芍 丹皮 竹葉

秋邪伏熱。月餘不解。汗淋之後。熱退不清。口乾舌燥。渴不欲飲。不思飲食。伏邪傷陰。耗氣少陽。陽明不和。所服之方。俱在理路。顯然邪陷於陰。不能外達。擬黑逍遙散加減。

柴胡 青蒿 生地 當歸 丹皮 甘草 澤瀉 山藥 茯苓 陳皮 穀芽

斑疹隱隱。發而未透。喉疼手足麻。頭身皆痛而喘。脈伏邪閉。肺胃多病。防成呃喘之患。所服之方。頗爲合理。仍依原法治之。

升麻 羌活 防風 葛根 甘草 桔梗 大力子 蟬衣 茅朮 筍尖 羌安 陳皮

疫邪兩候。陰分已虛。熱糊不清。口渴多飲。舌黑底絳。譫語不甯。痰咯不爽。脈象弦滑。伏邪化熱。熱鬱不達。傷陰損精。正虛邪實。暫擬養陰化痰。兼開太陰。

鮮地 羚羊 赤芍 丹皮 赤苓 知母 黃芩 元參 半夏 車前 地粟 陳米

霍亂

細推此病大旨。熱在胃脘。寒在丹田。寒熱交爭。上下格拒。且吐必傷胃。胃傷則口渴引飲。瀉必傷脾。脾傷則肌肉頓消。土衰木必乘之。肝屬木而主筋。此轉筋之所由來也。先於兩腿灣委中穴刺出惡血。再進來復丹錢半。轉其陰陽。不使清濁混淆。然後議服煎方。寒熱並用。補中和中。所慮脈虛症險。

慎防汗脫亡陽。盡人力以挽回。勉方候酌。

姜汁炒黃連 白朮 半夏 乾姜 厚朴 茯苓 吳萸 杏仁 陳皮 木香 灶心土

陰陽水煎

暑溼內伏。阻膈脾胃交通之氣。致升降悖逆。土衰木侮。轉筋之來漸矣。

薤仁 吳萸 杏仁 鬱金 川連 乾姜 半夏 厚朴 茯苓 若精神衰敗四肢厥

逆加潯黨參 熟附片

咳 嗽

肺主咳屬金。金空則鳴。金實則啞。金破則嘶。素本煩勞過度。肺虛招風。氣機不展。音聲不揚。已延一載。上損於下。防成肺痿。

孩兒參 杏仁 牛蒡 茯苓 炙草 半夏 陳皮 桔梗 蘇梗

素有疝疾。不受溫補。肺爲嬌臟。不耐邪侵。去秋瘧後中傷。溼痰上僭。餘風未楚。乘虛犯肺。痰嗽不舒。日以益甚。冬末齒痛。虛火上升。肺金益損。入春

以來。脅肋隱痛。面色戴陽。顯係腎虛。子盜母氣。非其所宜。

生地 白芍 杏仁 桃仁 蘇梗 苡仁 麥冬 桑皮

實火宜瀉。虛火宜補。風火宜清。宜散。鬱火宜開。宜發。格陽之火。宜衰之。以屬。所謂同氣相求也。水虧於下。火越於上。厥陰繞咽。少陰循喉。久咳音啞。喉痛。口乾。不欲飲冷。脈豁。按之不鼓。格陽形症已著。清火清熱。取一時之快。藥入則滅。藥過依然。所謂揚湯止沸。終歸不濟。導龍入海。引火歸源。前哲良謀無效者。鄙見淺陋也。小徒暫清肺氣之法。尙屬平穩可服。再擬金匱腎氣。竭其所思。未知當否。多酌明哲。

金匱腎氣丸

久咳聲啞。每咳痰涎盈碗。食減神羸。苔白厚。脈雙弦。中虛積飲。土敗金傷。水溼浸淫。漬之於肺。傳之於脾。注之於腎。三焦不治。殊屬不宜。

真武湯

復診連服真武。雖效亦非常法。第三焦不治。肺腎俱傷。當宗經旨治病。必求其本。從乎中治。崇土既能仰木。亦可生金。脾爲生化之源。輔脾卽能補腎。爰以歸脾六君加減。徐徐調治。

歸脾六君湯

脾虛溼鬱。大便濡洩。痰嗽食減。行動氣促。脾傷傳肺。

六君子湯加 木香 澤瀉 姜棗

脈來細數兼弦。症本臟陰營液俱虧。木擊金鳴。下損於上。精血脂膏不歸生化。悉變爲痰。咳嗽痰多。喉疼音啞。乍寒乍熱。自汗盜汗。氣促以喘。腹鳴便泄。二氣不相接續。藩籬不固。轉瞬春通陽升。有痰湧喘汗暴脫之虞。從陰引陽。從陽引陰。質諸高明。

六味地黃湯加 鹿角霜 五味 桃肉

症緣秋燥傷肺。痰嗽不舒。繼又失血。入春以來。痰嗽益甚。倘促似喘。內

熱便瀉。形神日羸。飲食日少。腎損於下。肺損於上。上損從陽。下損從陰。上下交損。從乎中治。脈來細數無神。虛勞之勢已著。謹防喉痛音啞。吐食大汗。

異功散去茯苓加生麥 山藥 冬蟲草

清上則肺不畏火之炎。實下則腎有生水之漸。腎火乘制五火。肺金運行諸氣。金水相生。喉之腫痛全消。胸中逆氣已解。飲食亦進。夜來安寐。惟平明咳嗽猶甚。脈仍微數。肺胃傷而未復。仍求其本。

六味地黃湯加麥冬 桔梗 孩兒參 蘆根

脈滑而數。風傷肺。痰鬱肺胃。夏令脈洪數。前月初診。脈沉滑而數。沉者陰也。滑者陽也。痰也。數者火也。邪伏化熱生痰。所以用蘇杏甘桔開提。萋夏理肺胃。不治咳嗽而咳嗽自解。不治痰而痰自出。用羅蔔汁以調肺。展其氣化。清肅漸行。咳嗽少緩矣。

蘇梗 桔梗 杏仁 甘草 牛蒡 前胡 梨汁

言乃心之聲。賴肺金以宣揚。肺如懸鐘。配胸中爲五臟之華蓋。空則鳴。實則咳。破則啞。肺爲仰藏。出而不納。二十四節按二十四氣。最嬌之臟。不耐邪侵。毫毛必咳。肺主氣爲水之上源。受邪入絡。必順歸腎。爲痿爲咳爲啞。凡如此者。人不知。總之曰爲癆症。六淫之邪不去。皆可成癆病。延今載餘。聲音不出。金已破矣。病者不知。醫須揣其情本。以木火通明。經以營出中焦。資生於胃。下益腎水。來濟五火。火不灼金。金不泄氣。燥不耗水爲妙。今日喉痛已止。咳減痰少。喉聲稍開。從原方加減候酌。

孩兒參 粉甘草 山藥 馬兜鈴 牛蒡元米炒 茯苓 桔梗 蘇梗 沙參 杏仁 豬膽
花粉 雞子清 瓜子殼 霉乾菜

復診。病原已載前方。疊次聲明。不須再贅。金水難調之候。全在靜養功。夫天命爲重。非人力所爲。叨屬親誼。敢不盡言。病由外感內傷。必由中而外達。鬱久不達。非升麻不可。病將一載。聲音不出。邪不出也。擬用補中益氣加

減候酌。

補中益氣湯去耆加山藥 陳乾菜服三劑加兒參又服三劑加參鬚

腎主納氣。肺主出氣。咳爲肺病。喘爲腎病。皆緣先天薄弱。後天生氣不振。母令子虛。金水兩傷。肝臟陰虛。陽僭。是以噎咳咽痛。動勞則喘。擬金水六君煎加減。

生地 半夏 沙苑 洋參 麥冬 紫苑 陳皮

素有咳喘。冬令卽發。自季秋咳嗽。延今不已。動勞氣逆。痰不易出。上熱下寒。兼食洋烟。胃陰消燄。下耗腎水。引動肝木。氣有上而無下。故上熱下寒。腎虛則喘。肺虛則咳。氣耗陰傷。故痰不爽。議養陰肅肺。兼柔肝納腎之治。

沙苑 麥冬 牛膝 毛燕 橘紅 川貝 桑皮 紫苑 夜合花 蛤粉 杷杷葉

肺主氣爲水之上源。膀胱爲津液之府。氣化乃能出焉。久咳肺虛。清肅之令不降。日中洩短。臥則清長。夫人臥則氣歸於腎。腎司二便故也。議培土

生金兼滋腎水。俾天氣得以下降。而陰濁自化矣。

北沙參 百合 料豆 杏仁 山藥 茯苓 女貞子 枇杷葉 橘紅 車前子 沙苑

蓮子 夜合花

先天薄弱。水不養肝。肝火易動。心相不甯。三陰內虧。火冲血上。下有痔漏。常多夢泄。失血後。乾嗆作嗽。喉痛聲啞之患。草木之功。不能補有情之精血。必得撤去塵情如鐵石。靜攝天真。精血復得下。病可減去三分。此機宜從。否則有仙丹亦屬無濟。擬丸代煎。徐徐調治。

河車 北沙參 川貝 白芨 鱧魚 懷藥 燕根 茯神 牡蠣 蛤粉 芡實 老尿壺一具

以長流水浸三日。夜去膿味。將牡蠣鱧魚投入壺內。童便灌滿。以黃泥封固。以文火燒一日。夜次日取。出鱧魚骨。用麻油炙研。再入羣藥。和勻。搗作餅。晒乾。烘脆。研細末。化饊膠作丸。和服。無饊膠。即用玉竹膠。

脾溼生痰。漬之於肺。清晨咳嗽。得黃痰。卽平甯。否則不已。兩脅微痛。背

心隱痠。肝胃之氣不展。得暖方舒。手足無汗。或時手足發涼。脾腎不足。不易驟復。

於朮 米仁 兔絲子 茯苓 橘紅 半夏 炙草 白朮

血證

經曰。中焦受氣取汁。變化而赤。謂之血。出於中焦。而主於心。故五臟各有守經之血。而六腑則無矣。其散於脈內者。隨衝任二經。遍行經絡。散在脈外者。充溢於肌腠皮毛之間。凡吐血衄血。牙齦齒縫出血。散在經絡之血。湧而上決者也。近人謂巨口失紅。及牙齦縫出血者。爲胃血。此說誤人不淺。蓋胃爲外腑。職司出納。爲水穀蓄洩之區。其中並無一點一絲之血。夾雜內中。卽牙宣出血一症。亦不過胃熱熾甚。肉不附骨。故血熱而上湧。其牙不宣而血者。乃陰竭於下。陽亢於上。龍雷之火。衝激胃絡。錢氏所謂骨漏是也。恙起於一月之前。齒縫出血。牙並不宣。多則血流盈盞。晝夜十餘作。發時面赤目